



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-11-3-2581-19/22

Datum: 09.09.2022.godine

Na osnovu člana 70. stav 1. i stav 4. a u vezi sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

**ODLUKU  
o otkazivanju postupka javne nabavke  
I**

Otkazuje se postupak javne nabavke usluga "Zimsko održavanje lokalnih cesta i gradskih i prigradskih ulica za sezonu 2022-2023 godinu" za Lot-7 Zimsko održavanje Stare ceste i Poslovnih zona, koji je objavljen na Portalu javnih nabavki dana 19.07.2022.godine pod brojem:375-1-2-145-3-44/22, obavještenje o nabavci objavljeno u sl.glasniku BiH broj:50/22 dana 29.07.2022.godine pod brojem: SI-16944-22.

**II**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

**O b r a z l o ž e n j e**

Postupak javne nabavke usluga,"Zimsko održavanje lokalnih cesta i gradskih i prigradskih ulica za sezonu 2022-2023 godinu" za Lot-7 Zimsko održavanje Stare ceste i Poslovnih zona pokrenut je Odlukom o pokretanju postupka broj:02-11-3-2581-2/22 od 11.07.2022.godine. Odabran je otvoreni postupak, sa podjelom na lotove (osam lotova), koji je objavljen na Portalu javnih nabavki dana 19.07.2022.godine pod brojem:375-1-2-145-3-44/22, obavještenje o nabavci objavljeno u sl.glasniku BiH broj:50/22 dana 29.07.2022.godine pod brojem: SI-16944-22, kriterij za dodjelu ugovora je najniža cijena.

Postupak javne nabavke provela je Komisija za javne nabavke imenovana rješenjem Općinskog Načelnika broj: 02-11-3-2581-4/22 od 15.08.2022. godine.

U toku postupka javne nabavke Komisija je zaprimila pristigle ponude za Lot-7 Zimsko održavanje Stare ceste i Poslovnih zona, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je da je za Lot-7 Zimsko održavanje Stare ceste i Poslovnih zona pristiglo pet ponuda i to ponude: TRANS KOP doo Tešanj (cijena ponude 11.600,00KM bez PDV-a), KM GRADNJA d.o.o. Tešanj (cijena ponude 11.600,00KM bez PDV-a), AB TRANS d.o.o. Tešanj (cijena ponude 14.790,00KM bez PDV-a), DOBOJPUTEVI DD Doboj Jug (cijena ponude 15.065,50KM bez PDV-a) i GEO-PUT d.o.o. Maglaj (cijena ponude 15.080,00KM bez PDV-a) kako slijedi:

- da je ukupan broj pristiglih ponuda 5 (pet), - da je blagovremeno zaprimljeno 5 (pet), - da nije bilo neblagovremenih ponuda, - da je broj prihvatljivih ponuda 5 (pet), - da je broj neprihvatljivih ponuda 0 (nula).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, te je ugovorni organ zakazao E-aukciju za dan 30.08.2022.godine za lot-7 Zimsko održavanje Stare ceste i Poslovnih zona od 12:00 sati, sa vremenskim trajanjem od 10 (deset) minuta.

Na osnovu Izvještaja o toku i završetku E-aukcije od 30.08.2022.godine vidljivo je na konačnoj listi da prvorangirani i drugorangirani za predmetni lot imaju istu cijenu, dakle ostala je cijena od 11.600,00KM bez PDV-a koja je bila i prije E-aukcije.

Kako je članom 64. Zakona o javnim nabavkama („Službeni glasnik BiH“, br. 39/14) propisano da ugovorni organ dodjeljuje ugovor na osnovu jednog od dva kriterija: a) ekonomski najpovoljnija ponuda ili b) najniža cijena, a kako je tenderskom dokumentacijom u tački 21. predmetne nabavke propisano da se “ugovor dodjeljuje dobavljaču koji je ponudio najnižu ukupnu cijenu tehnički zadovoljavajuće ponude”, a budući da za Lot-7 Zimsko održavanje Stare ceste i Poslovnih zona u rangiranju imamo dvije najniže identične cijene (11.600,00KM ponuđači TRANS KOP doo Tešanj i KM GRADNJA doo Tešanj) primjenom kriterija najniže cijene ne može izvršiti dodjela ugovora, te se u tom slučaju postupak nabavke otkazuje, uz pozivanje na član 69. stav (3) Zakona.

Budući da ugovorni organ nije mogao predvidjeti u vrijeme pokretanja postupka nabavke (a ugovorni organ nije mogao predvidjeti da će ponuđači ponuditi jednake cijene), niti je na bilo koji način mogao da utiče na cijene koje ponuđači nude to je ugovorni organ u skladu sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14) donio odluku o otkazivanju postupka javne nabavke za Lot-7 Zimsko održavanje Stare ceste i Poslovnih zona, jer se radi o razlozima koji su izvan kontrole ugovornog organa.

**Pouka o pravnom lijeku:** Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### DOSTAVLJENO:

1. Ponuđači x5
2. Služba za finansije, privredu, inspekcijske i komunalne poslove općine Tešanj,
3. Web stranica Općine Tešanj, elektronski
3. Predmet.



**OPĆINSKI NAČELNIK**  
  
**mr.sci. Suad Huskić**